



PROGRAM *utroška sredstava*

Ministarstva za privredu Bosansko-podrinjskog kantona Goražde sa ekonomskog koda 614500
– Subvencije privatnim preduzećima i poduzetnicima

Avgust 2019.

Na osnovu člana 45. Zakona o izvršenju Budžeta Bosansko-podrinjskog kantona Goražde za 2019.godinu ("Službene novine Bosansko-podrinjskog kantona Goražde", broj: _____), i Zakona o sistemu državne pomoći u Bosni i Hercegovini ("Službeni glasnik BiH" broj: 10/12), Ministarstvo za privredu Bosansko-podrinjskog kantona Goražde donosi:

P R O G R A M

utroška sredstava Ministarstva za privredu Bosansko-podrinjskog kantona Goražde sa ekonomskog koda 614500-Subvencije privatnim preduzećima i poduzetnicima

TAČKA 1.

NAZIV PROGRAMA

Naziv Programa je: **„Program podrške privatnim preduzećima i poduzetnicima na području Bosansko-podrinjskog kantona Goražde“ za 2019.godinu. (u daljem tekstu: program).**

PODACI O PROGRAMU

Period realizacije programa:	01.01.2019 - 31.12.2019.
Budžetska pozicija:	Subvencije privatnim preduzećima i poduzetnicima
Ekonomski kod:	614 500
Ukupna vrijednost Programa:	50.000. KM
Odgovorna osoba:	Mensad Arnaut
Pozicija odgovorne osobe:	Ministar
Kontakt osoba za Program:	Melida Hadžiomerović
Kontakt telefon:	+387-38-228-640
Kontakt e-mail:	melida.hadziomeovic@bpkg.gov.ba
Internet:	www.mp.bpkg.gov.ba

TAČKA 2.

NADLEŽNOSTI MINISTARSTVA ZA PRIVREDU

(1) Na osnovu Zakona o ministarstvima i drugim tijelima kantonalne uprave Bosansko-podrinjskog kantona Goražde (Službene novine BPK Goražde broj: 09/13), nadležnosti Ministarstva za privredu su predlaganje i provođenje politike u oblasti industrije, poduzimanje mjera za unaprijeđenje proizvodnje, upravljanje prirodnim bogatstvima, razvoj poljoprivrede, upravljanje poljoprivrednim zemljištem, uzgoj, zaštita i unaprijeđenje šuma, šumske komunikacije i eksploatacija šuma, industrijske vode, vodoprivredne aktivnosti, korištenje voda u energetske i rekreacijske svrhe, upotreba i zaštita voda, ulaganja u privredna preduzeća, promet roba i usluga, učešće u kreiranju politike uvoza i izvoza, kontrola cijena proizvoda i usluga, zaključivanje ekonomskih sporazuma, kreiranje i implementaciju politike kantonalnog turizma, razvoj turističkih resursa, razvoj rekreativnih, rehabilitacijskih i drugih centara, promocija turizma, ugostiteljstvo, poduzetništvo, provođenje politke razvoja komunikacija i transportne infrastrukture, razvoj javnog prometa, izgradnja, obnova i održavanje saobraćajnica od značaja za kanton, modernizacija cestovnog prometa i osiguranje komunikacijskih veza na području Bosansko-podrinjskog kantona Goražde.

(2) Program je izrađen u skladu sa:

- a) Zakonom o izvršenju budžeta Bosansko-podrinjskog kantona Goražde za 2019. Godinu, (Sl.novine BPK Goražde,broj: 3/19);
- b) Strategije razvoja Bosansko-podrinjskog kantona Goražde za period 2016-2020, (Sl.novine BPK Goražde, broj:4/16).

TAČKA 3.

OPIS PROGRAMA

(1) Program podrške razvoju privatnog sektora kroz unapređenje proizvodnje osigurava da se planirana sredstva budžeta Ministarstva za privredu koriste na transparentan, specifičan, mjerljiv način sa svrhom da se podrži:

- a) privredni razvoj i zapošljavanje kao i provođenje drugih mjera koje doprinose razvoju privrede, unaprijeđenju proizvodnje, infrastrukture i poboljšanja uslova za rad uposlenih.

(1) Program obuhvata:

- a) odredbe o početku i rokovima provođenja programa,
 - b) opšti cilj i posebni ciljevi programa za 2019. godinu,
 - c) potrebna sredstva za provođenje programa,
 - d) kriterije za raspodjelu sredstava
- e) procedure apliciranja, selekcije i evaluacije projekata i zahtjeva za sredstvima,
- f) naziv korisnika sredstava,
 - g) procjenu rezultata,

h) procjenu nepredviđenih rashoda i rizika

(2) Program definiše bitne elemente za dobijanje saglasnosti od strane Vlade u skladu sa Zakonom o izvršenju budžeta Bosansko-podrinjskog kantona Goražde (svrha programa, opšti i posebni ciljevi, kriteriji za raspodjelu sredstava, korisnike sredstava, način procjene rezultata i procjena nepredviđenih rashoda i izdataka).

(3) Program je otvoren za sufinansiranje projekata privrednih društava koji doprinose kreiranju novih radnih mjesta, u proizvodnim, malim i srednjim preduzećima i aktivnosti koje doprinose povećanju konkurentskih prednosti broja zaposlenih i razvoju privrede na području Bosansko-podrinjskog kantona Goražde.

TAČKA 4.

POČETAK I ROKOVI PROVOĐENJA PROGRAMA

U Programu su definisane aktivnosti za 2019. godinu, a provođenje Programa počinje dobivanjem saglasnosti od strane Vlade Bosansko podrinjskog kantona Goražde i trajeće do 31.12.2019. godine.

Krajnji rok za dostavljanje prijedloga projekata je _____godine.

TAČKA 5.

OPŠTI I POSEBNI CILJEVI PROGRAMA

(5.1)

(Opšti cilj)

Opšti cilj Programa je pomoć malim i srednjim preduzećima sa područja Bosansko-podrinjskog kantona Goražde kroz podsticanje ekonomskog razvoja proizvodnih, malih i srednjih preduzeća i poduzetnika iz građevinarstva, proizvodnih i uslužnih djelatnosti Bosansko-podrinjskog kantona Goražde kroz podsticanje ekonomskog razvoja preduzeća.

(5.2)

(Posebni ciljevi)

Ovaj Program sadrži posebne ciljeve za 2019. godinu koji su usklađeni sa opštim ciljem Programa. Posebni ciljevi Programa su :

- a) razvoj malih i srednjih preduzeća kroz podršku iz grand sredstava,
- b) pružanje podrške privrednim društvima u vidu subvencioniranja dijela profitne marže za privredna društva i obrtnike koji posluju na području BPK Goražde.

(5.3) (Razvoj malih i srednjih preduzeća)

(1) Prvi poseban cilj programa je povećanje broja zaposlenih radnika u malim i srednjim preduzećima koji doprinose razvoju privrede na području Bosansko-podrinjskog kantona Goražde.

(2) U okviru razvoja malih i srednjih preduzeća, obezbijedit će se podrška u implementaciji projekata i aktivnosti koje doprinose povećanju broja radnika u preduzećima koja upošljavaju do 50 radnika.

(2) Podrška za razvoj malih i srednjih preduzeća planirana je za projekte koji uključuju kombinaciju aktivnosti na izgradnji, proširenju ili adaptaciji objekata, nabavci mašina i opreme za proizvodnju uvođenjem novih tehnologija, poboljšanju uslova rada, sigurnosti na radu i zdravlja radnika sa aktivnostima na otvaranju novih radnih mjesta i zapošljavanju kvalifikovane i stručne radne snage.

(3) Podrška će se obezbijediti i za druge projekte i mjere koje ispunjavaju uslove i kriterije za ostvarivanje podrške u nabavci opreme i svim drugim uslužnim preduzećima u okviru razvoja malih preduzeća a koji se bave ugostiteljstvom, građevinarstvom i drugim uslužnim djelatnostima.

(5.4) (Podrška privrednim društvima u vidu subvencioniranja dijela profitne marže za privredna društva i obrtnike koji posluju na području Bosansko-podrinjskog kantona Goražde)

(1) Drugi poseban cilj programa je pružanje podrške privrednim društvima po liniji koja je plasirana za finansiranje dijela profitne marže za privredna društva, obrtnike i novoosnovane privredne subjekte koji posluju na području Bosansko-podrinjskog kantona Goražde, kojima su dodijeljeni krediti u 2017. i 2018. godini, i dalje, po Programu podrške u razvoju privatnim preduzećima i poduzetnicima će se nastaviti u 2019. godini.

Poboljšanje uslova poslovanja privrednih društava, obrtnika i novoosnovanih privrednih subjekata sa područja Bosansko-podrinjskog kantona Goražde kroz obezbeđenje povoljnih kreditnih sredstava za subvencioniranje kamata u iznosu od 2% dijela kamatne stope putem sredstava Ministarstva za privredu Bosansko-podrinjskog kantona Goražde i sredstava odabrane banke. Podrška se u ovoj godini odnosi na podršku privrednih društava kojima su odobreni krediti u BBI banci, koja će i u tekućoj godini kvartalno vršiti isplate privrednim društvima i zasigurno obrađivati nova društva kojima će biti odobrena kreditna sredstva od preostalih novčanih sredstava.

TAČKA 6.

POTREBNA SREDSTVA ZA PROVOĐENJE PROGRAMA

(6.1)

(Visina sredstava za provođenje programa)

Potrebna sredstva za provođenje Programa definisana su budžetom Bosansko-podrinjskog kantona Goražde („Službene novine BPK Goražde“, broj:03/19) na ekonomskom kodu 614 500–Subvencije privatnim preduzećima i poduzetnicima u iznosu od 50.000,00 KM.

(6.2)

(Maksimalni budžet po komponentama)

(1) Programom se utvrđuje visina, odnosno maksimalni i minimalni iznos sredstava za svaki posebni cilj programa. Maksimalna ili minimalna visina sredstava za pojedinačni, specifični cilj predstavlja jednu finansijsku komponentu programa.

(2) Za prvi poseban cilj, definisan je slijedeći maksimalni i minimalni budžet:

a) Razvoj malih i srednjih preduzeća

Maksimalni budžet: 50.000,00 KM

(6.3)

(Redistribucija sredstava)

(1) U slučaju potrebe, Ministarstvo za privredu može napraviti redistribuciju sredstava sa jedne na drugu finansijsku komponentu u iznosu do maksimalno 20 procenata od iznosa komponente sa koje se sredstva prenose. Redistribuciju ovih sredstava Ministarstvo za privredu će izvršiti odlukom ministra bez saglasnosti Vlade.

(2) U slučaju postojanja opravdane potrebe za korekcijom iznosa sredstava planiranih za svaki posebni cilj Programa do maksimalno 25 procenata, Ministarstvo za privredu može napraviti redistribuciju sredstava uz saglasnost Vlade Bosansko-podrinjskog kantona Goražde.

(3) U slučaju izmjene ukupne vrijednosti programa koja je rezultat Izmjene i dopune Budžeta Bosansko-podrinjskog kantona Goražde, preusmjerenja sa drugih kodova ili na druge kodove unutar budžeta Ministarstva za privredu i preusmjeravanja između budžetskih korisnika, Ministarstvo za privredu se ovlašćuje da može vršiti izmjenju i dopunu Programa u skladu sa potrebama na osnovu kojih su donešene Odluke o preusmjeravanju, povećanju ili smanjenju ukupne vrijednosti Programa uz saglasnost Vlade.

TAČKA 7.

KRITERIJI ZA RASPODJELU SREDSTAVA

(7.1)

(Način raspodjele sredstava)

Raspodjela sredstava vrši se dodjelom državne pomoći u novcu, za projekte, aktivnosti i mjere u skladu sa ciljevima predviđene tačkom 7. Programa samo onim malim i srednjim privrednim društvima kojima nisu dodijeljena novčana sredstva ni po kakvom osnovu po istom programu u protekle tri godine.

Privrednim društvima kojima je sufinansiran dio profitne marže po kreditnoj liniji u BBI banci neće moći učestvovati u ovom programu i neće biti raspodjele sredstava.

Raspodjela sredstava u slučaju dodjele državne pomoći u novcu vršiće se na osnovu odobrenih

projekata za podsticaje u skladu sa Programom. Konačne Odluke o dodjeli državne pomoći za pojedinačne projekte, aktivnosti i mjere iz sredstava iz ovog programa na prijedlog Ministarstva za privredu donosi Vlada Bosansko-podrinjskog kantona Goražde.

(7.2)

(Kriteriji za raspodjelu)

- (1) Sredstva iz budžeta će se dodjeljivati korisnicima srazmjerno njihovom doprinosu ostvarivanju opštih i posebnih ciljeva i očekivanih rezultata programa.
- (2) Za ocjenjivanje doprinosa ostvarivanja ciljeva programa primjenjivat će se kriteriji koji su definisani za potrebe rangiranja aplikacija kako bi se osiguralo da prioriteta programa budu ispunjeni a stanje privrede poboljšano u skladu sa programom.
- (3) Kriteriji po osnovu kojeg će se vršiti raspodjela sredstava programa:
 - a) ispunjavanje opštih uslova za učestvovanje u programu (tačka 7.3),
 - b) ispunjavanje posebnih uslova za učestvovanje u programu (tačka 7.4).
 - c) rezultat procesa apliciranja, selekcije i evaluacije projekata i zahjeva (tačka 10.),

(7.3)

(Opšti uslovi za učestvovanje u programu)

U implementaciji programa primjenjivaće se procedure koje omogućavaju ravnopravno učestvovanje u programu i svim licima koja kumulativno ispunjavaju slijedeće opšte uslove:

- a) da su registrovana kao privredna društva shodno odredbama Zakona o privrednim društvima F BiH,
- b) da imaju registraciju na prostoru Bosansko-podrinjskog kantona Goražde,
- c) da obavlja registrovanu djelatnost na prostoru Bosansko-podrinjskog kantona Goražde.
- d) da su registrovana minimalno 1 godine od dana podnošenja aplikacije za učestvovanje u Programu.
- e) Podrška privrednim društvima u vidu subvencioniranja dijela profitne marže za privredna društva, obrtnike i novoosnovane privredne subjekte koji posluju na području BPK Goražde.

(7.4)

(Posebni uslovi za učestvovanje u programu)

- (1) Za svaki poseban cilj programa, pored opštih, primjenjivaće se i posebni uslovi za učestvovanje u programu.
- (2) Posebni uslovi za apliciranje u okviru prvog i drugog posebnog cilja su:
 - a) da se ne nalaze u procesu stečaja ili likvidacije ili blokade računa,
 - b) da nemaju neizmirenih obaveza za poreze i doprinose, uključujući i neizmirene obaveze koje su obuhvaćene ugovorom o reprogramiranju obaveza.

(7.5.)

(Kandidovanje prijedloga projekta)

- (1) Prijedlozi projekata u aplikacionom obrascu za sredstvima dostavljaju se nakon objavljivanja javnog poziva, koji se raspisuje u skladu sa odredbama Programa. Prijedlozi projekata se ne dostavljaju za apliciranje na sredstva u okviru drugog posebnog cilja.
- (2) Minimalno jedan javni poziv će se raspisati za sve specifične ciljeve programa za koje su Programom predviđena sredstva.
- (3) Pravilno popunjavanje propisane forme omogućava da se svi aspekti prijedloga projekata objektivno selektiraju i procjene.
- (4) Svi prijedlozi projekata se procjenjuju u skladu sa procedurama apliciranja, selekcije, evaluacije i rangiranja.

TAČKA 8

PROCEDURA APLICIRANJA I OCJENJIVANJA

(8.1)

(Aplikanti)

- (1) Lica koja ispunjavaju opšte i posebne uslove za učestvovanje u programu i koja u formi propisanoj od strane Ministarstva za privredu dostave prijedlog projekata za sredstvima imaju status aplikanta.
- (2) Javni poziv se raspisuje u roku od 10 dana od dana dobivanja saglasnosti koja je propisana Programom. Javni poziv minimalno sadrži sažetak svrhe, opšteg i posebnog cilja, način raspodjele i rokove za dostavljanje aplikacija.
- (3) Javni poziv se objavljuje putem sredstava javnih informisanja, na internet stranici Vlade Bosansko-podrinjskog kantona Goražde i službenim oglasnim pločama Vlade BPK Goražde i Ministarstva za privredu BPK Goražde.

(8.2)

(Kandidovanje prijedloga projekata)

- (1) Aplikant može kandidovati prijedlog projekta u kojem je planirano finansiranje troškova projekta iz sredstava programa.
- (2) Ministarstvo će raspisati drugi javni poziv za dostavljanje prijedloga projekata ukoliko se u prvom javnom pozivu ne utroše sva planirana sredstva programa, ukoliko dođe do povećanja budžeta, te ukoliko sredstva planirana za finansiranje projekata podsticaja ne utroše u vremenskom planu koji je određen programom.
- (3) Obavezni sadržaj prijedloga projekta je definisan u formi za apliciranje koja se nalazi u Prilogu 1. ovog programa.

(8.3)

(Finansiranje prijedloga projekata)

- (1) Ukupan budžet predloženih projekata koje aplikanti dostavljaju za finansiranje, ne može biti manji od 5.000 KM. Maksimalni iznos granta se ograničava na iznos do 20.000 KM.
- (2) Minimalni i maksimalni iznos granta za sufinansiranje projekata iz sredstava ovog programa su definisani u rasponu za svaki specifični cilj u tabeli 4.

Tabela 4: Pregled minimanih i maksimalnih iznosa grant sredstava u novcu za sufinansiranje iz programa

Rbr	Poseban cilj	Ukupan budžet po komponenti	Minimalni iznos granta	Maksimalni iznos granta
1.	Razvoj malih i srednjih preduzeća	50.000	5.000	20.000

(8.4.)

(Otvaranje aplikacija i administrativna provjera)

- (1) Otvaranje aplikacija i administrativna provjera za prijedloge projekata se provodi najkasnije u roku od 7 dana od zatvaranja javnog poziva.
- (2) Administrativna provjera se provodi u cilju utvrđivanja da li lice koje je dostavilo aplikaciju ispunjava uslove za dobivanje statusa aplikanta u skladu sa odredbama ovog Programa. Administrativnu provjeru provodi komisija Ministarstva za privredu Bosansko-podrinjskog kantona Goražde. Komisija provjerava da li je aplikacija zadovoljila slijedeće uslove:
 - a) da je aplikacija dostavljena u roku i na način predviđen programom,
 - b) da je aplikacija potpuna i ispravno popunjena u skladu sa propisanom formom,
 - c) da su dostavljeni svi prilozi na način predviđen programom
 - d) da aplikant ispunjava opšte uslove za učestvovanje u programu,
 - e) da aplikant ispunjava posebne uslove za učestvovanjem u programu,,
 - f) da je aplikacija usklađena sa svrhom programa, opštim ciljem programa, da je zahtjevana podrška u skladu sa posebnim ciljevima programa, da je predloženo finansiranje u skladu sa odredbama o finansiranju, da su ispunjeni uslovi i kriteriji za ostvarivanje podsticaja.
- (3) Ukoliko su ovi uslovi ispunjeni, Komisija će aplikaciju evaluirati u skladu sa odredbama programa. Komisija može zatražiti od aplikanta dostavljanje dodatne dokumentacije ukoliko je očigledno da je dokument izostavljen zbog slučajne tehničke greške, a što se može indirektno

utvrditi na osnovu preostale dostavljene dokumentacije. Komisija može zatražiti dopunu dokumentacije za maksimalno dva dokaza o ispunjavanju opštih ili posebnih uslova koja su propisana programom. U suprotnom aplikacija će bez ocjenjivanja biti odbijena iz administrativnih razloga.

- Aplikacije pisane rukom će biti automatski odbijene.

(8.5)

(Evaluacija dostavljenih prijedloga projekata)

Za provođenje procesa selekcije, evaluacije i ocjenjivanja prijedloga projekata Ministarstvo za privredu formira komisiju.

- (1) Komisija sve dostavljene aplikacije razmatra i evaluira u periodu od maksimalno 30 dana od završetka administrativne provjere.
- (2) U evaluaciju projekata komisija primjenjuje pet grupa kriterija i to:
 - a) Finansijski i operativni kapaciteti aplikanta
 - b) Relevantnost
 - c) Metodologija
 - d) Održivost
 - e) Budžet i troškovna efikasnost

(8.6)

(Ocjenjivanje/evaluacija aplikacija)

(1) Evaluacija aplikacija se provodi na osnovu kriterija i skale za evaluaciju. Evaluacijski kriteriji su podjeljeni u okviru grupa i podgrupa. Za svaku podgrupu komisija daje ocjenu između 1 i 5 prema slijedećim redoslijedom:

1 - veoma slabo;

2 - slabo;

3 - adekvatno;

4 - dobro;

5 - veoma dobro.

(2) Svaka ocjena se množi sa koeficijentom koji je za svaki kriterij predviđen u evaluacijskoj skali. Maksimalan broj bodova za projekat iznosi 100.

(3) Projekti koji imaju manje od 70 bodova, odbacuju se u prvom krugu selekcije. Ukoliko je ukupan rezultat u poglavlju **relevantnost** manji od 15, aplikacija se odbija bez obzira na dobiven ukupan maksimalan broj bodova.

(4) Ukoliko je ukupan rezultat u poglavlju **budžet i troškovna efikasnost** manji od 15, aplikacija se odbija bez obzira na dobiven ukupan maksimalan broj bodova.

- (5) Komisija će procjenjivati vrijednost kriterija. Prilikom određivanja vrijednosti kriterija komisija će se pridržavati prioriteta, posebnih uslova, finansijskih kriterija i načina rangiranja koji su propisani programom. Svi članovi komisije dodjeluju ocjene, a ukupan broj bodova se dobija kada se ocjene dobivene od svih članova komisije podjeli sa brojem članova komisije.
- (6) Ministar za privredu Bosansko-podrinjskog kantona Goražde će donijeti Odluku kojom se utvrđuje visina novčanih sredstava prema broju osvojenih bodova.

(8.7)

(Kriteriji i skala za evaluaciju)

KRITERIJ	SKALA
	Projekti
1. Finansijski i operativni kapaciteti aplikanta	10
1.1. Procjenjeni nivo iskustva aplikanta u upravljanju projektom?	5
1.2. Procjenjeni nivo finansijskih kapaciteta aplikanta neophodnih za implementaciju projekata?	5
2. Relevantnost	30
2.1. Koliko je aplikacija relevantna za svrhu, opšti i posebne ciljeve programa?	10
2.2. Koliko je aplikacija relevantna za prioritetne aktivnosti programa?	10
2.3. Koliko je aplikacija relevantna za očekivane rezultate programa?	10
3. Metodologija	10
3.1. Da li su aktivnosti u prijedlogu projekta odgovarajuće i konzistentne sa ciljevima i očekivanim rezultatima projekta?	5
3.2. Koliko je koherentan dizajn projekta, konkretna analiza problema, da li su predložene aktivnosti odgovarajuće za rješavanje prezentiranog problema, te da li su na zadovoljavajući način planirani raspoloživi resursi aplikanta neophodni za ostvarivanje planiranih rezultata iz projekta ?	5
4. Održivost	20
4.1. Da li će mjere podrške programa značajnije doprinijeti rješavanju problema koji je naveden u prijedlogu projekta ili zahtjevu?	5
4.2. Da li predložene aktivnosti mogu imati pozitivne efekte na poboljšanje stanja privrede na području Bosansko-podrinjskog kantona Goražde?	10
4.3. Da li predložene aktivnosti mogu imati pozitivne multiplikativne efekte na sektor u kojem aplikant posluje, odnosno na prerađivački sektor Bosansko-podrinjskog kantona Goražde?	5
5. Budžet i troškovna efikasnost	30
5.1. Da li je odnos između planiranih troškova i očekivanih rezultata zadovoljavajući?	10
5.2. Da li je visina predloženih troškova adekvatna za implementaciju planiranih aktivnosti?	10
5.3. Da li su predloženi troškovi aktivnosti obrazloženi na način da dokazuju da će sredstva programa biti iskorištena na efikasan i ekonomičan način?	10
MAKSIMALAN BROJ BODOVA	100

(8.8)

(Procedure odobravanja prijedloga projekata)

- (1) Za projekte koji su u procesu evaluacije dobili više od 70 bodova, komisija rangira po broju osvojenih bodova.
- (2) U procesu odobravanja, komisija može uvidom na terenu provjeriti stanje u pogledu uklađenosti stvarnog stanja sa stanjem navedenim u prijedlogu projekta.
- (3) Nakon provedenog rangiranja odobravaju se svi najbolje rangirani projekti do visine raspoloživih sredstava koja su Programom definisana za svaki pojedinačni cilj. Svi najbolje rangirani projekti za koje postoje raspoloživa sredstva imaju status odobrenih projekata.
- (4) Prijedlozi projekata koji imaju više od 70 bodova, ali za čije finansiranje nema raspoloživih sredstava, stavljaju se na listu čekanja u slučaju obezbjeđenja dodatnih sredstava za program ili donošenja odluke o preraspodjeli sredstava u skladu sa odredbama programa. U suprotnom prijedlog projekta se odbija.
- (5) Odobrene projekte Ministarstvo za privredu predlaže Vladi Bosansko-podrinjskog kantona Goražde da donese Odluku o odobravanju prijedloga projekta koji će se sufinansirati iz sredstava budžeta Bosansko-podrinjskog kantona Goražde—ekonomski kod 614500— Subvencije privatnim preduzećima i poduzetnicima.
- (6) Ukoliko se radi o odobrenom projektu kojim se korisniku odobrava isplata sredstava u novcu, istovremeno sa prijedlogom Odluke o odobravanju prijedloga projekta, Vladi kantona se dostavlja odobreni prijedlog projekta i prednacrt Ugovora o sufinansiranju odobrenog projekta.
- (7) Ukoliko se Odlukom Vlade Bosansko-podrinjskog kantona Goražde odobrava iznos granta veći od 10.000 KM, prije potpisivanja Ugovora, nacrt Ugovora dostavlja se Kantonalnom pravobraniocu na mišljenje.
- (8) U slučaju da je planirano finansiranje projekta iz Programa veće od 6.000 KM i manje od 50.000 KM, uz prednacrt Ugovora podnosi se i Prijedlog Zaključka Vlade o davanju saglasnosti Ministru za privredu za potpisivanje Ugovora. Ukoliko je iznos odobrenog granta veći od 50.000 KM, uz prednacrt Ugovora podnosi se i prijedlog Zaključka o davanju saglasnosti Premijeru Bosansko-podrinjskog kantona Goražde za zaključivanje Ugovora o finansiranju projekta.
- (9) Nakon prihvatanja prijedloga Odluke od strane Vlade Bosansko-podrinjskog kantona Goražde, i pribavljenog mišljenja kantonalnog pravobranilaštva na nacrt Ugovora, pristupa se potpisivanju Ugovora za sufinansiranje projekta o čemu se aplikant pismeno obavještava. Ugovorom se definiše način implementacije projekta, vrijeme implementacije, obaveze korisnika sredstava i Ministarstva za privredu Bosansko-podrinjskog kantona Goražde i način obezbjeđenja instrumenata za namjenski utrošak sredstava.
- (10) Nakon potpisivanja Ugovora, Ministarstvo za privredu predlaže Vladi Bosansko-podrinjskog kantona Goražde da u skladu sa Zakonom o izvršenju Budžeta, donese Odluku o

odobranju sredstava iz budžeta kantona – ekonomski kod 614 500 – Subvencije privatnim preduzećima i poduzetnicima u skladu sa potpisanim Ugovorom.

(11) Nakon prihvatanja prijedloga Odluke o odobranju zahtjeva za isplatom sredstava od strane Vlade Bosansko-podrinjskog kantona Goražde, zahtjev za plaćanje se dostavlja Ministarstvu za finansije Bosansko-podrinjskog kantona Goražde.

TAČKA 9.

PRIORITETI I NAČIN RANGIRANJA

(9.1)

(Prioritetne aktivnosti)

(1) Prioritetne aktivnosti i mjere u okviru prvog posebnog cilja su:

- a) Mjere koje doprinose poboljšanju uslova rada malim i srednjim privrednim društvima u vidu sanacije poslovnih objekata, nabavci mašina, uređaja i opreme putem koje se stvaraju uslovi za zapošljavanje novih radnika i otklanjanje uskih grla u procesu proizvodnje

(2) Prioritetne aktivnosti i mjere u okviru drugog posebnog cilja su vođenje evidencije o pristiglim zahtjevima novih privrednih društava koji su zainteresovani za ovu kreditnu liniju, zaključivanje Ugovora, i izvještavanja od strane istih o ispunjenju ugovornih obaveza. (9.2)

(Način rangiranja)

(1) Prilikom ocjenjivanja prednost će se dati aplikantima koji redovno izmiruju obaveze prema porezima i doprinosima u odnosu na aplikante koji imaju reprogram duga, koji su duži vremenski period aktivni na području kantona, koji su veći broj godina poslovali sa dobitkom.

(2) Prilikom ocjenjivanja relevantnosti projekta (Tabela 8.7-Kriteriji i skala za evaluaciju), prednost će se davati projektima koji su predviđeni programom (opšti i posebni cilj programa), a komisija će voditi računa o raznolikosti i zastupljenosti proizvodnje proizvoda na području kantona koje su predmet apliciranih projekata.

(3) Prednost u pružanju podrške će se dati projektima koji imaju veće vlastito učešće u programu i koji omogućavaju ostvarivanje većih rezultata koji su predviđeni ovim programom.

(4) Prednost će se dati aplikantima koji su u protekle tri godine imali rast broja ukupno zaposlenih radnika kao i novo upošljavanje.

(5) Prednost će se dati aplikantima koji su planirali uvođenje novih tehnologija.

(6) Prednost će se dati aplikantima koji su planirali uvođenje ISO standarda.

TAČKA 10.

NAZIV KORISNIKA SREDSTAVA

(10.1)

(Korisnici sredstava)

(1) Korisnici sredstava programa su privredni subjekti koji ispunjavaju opšte i posebne uslove Programa i koji su uspješno završili proces apliciranja, selekcije i ocjenjivanja i koji su uspješno rangirani za korištenje sredstava iz ovog Programa.

(2) Korisnici i implementatori sredstava iz Programa se utvrđuju Odlukom Vlade Bosansko-podrinjskog kantona Goražde.

(10.2)

(Registar korisnika)

Ministarstvo za privredu Bosansko-podrinjskog kantona Goražde vodi registar korisnika u kojem se nalaze svi relevantni podaci o datoj državnoj pomoći u okviru ovog programa za period od pet godine od godine dobijanja državne pomoći.

TAČKA 11.

PROCJENA REZULTATA

(11.1)

(Pregled očekivanih rezultata podrške)

(1) Očekivani rezultati Programa podrške razvoju privrednih društava na području Bosansko-podrinjskog kantona Goražde su:

- povećan obim i kvalitet poslovanja privrednih društava
- povećanje i zadržavanje postojećeg broja uposlenih;

(2) Aplikanti su dužni u prijedlogu projekta navesti specifične rezultate koji su direktno povezani sa djelatnošću privrednih društava i moraju biti mjerljivi i jasno vremenski određeni.

(3) Sve aplikacije koje se podnose za finansiranje iz sredstava programa će biti procjenjivani u odnosu na njihove očekivane rezultate. Očekivani rezultati prijedloga projekata za sredstvima se procjenjuju u odnosu na očekivane rezultate programa.

(11.2)

(Kvantitativni pregled očekivanih rezultata)

(1) Mjerenje rezultata aktivnosti će se vršiti na osnovu rezultata monitoringa implementacije i rezultata obilaskom korisnika na terenu i na osnovu pismenih izvještaja korisnika sredstava.

(2) U cilju osiguranja procjene rezultata Programa odabrani korisnici koji su dobili podršku dužni su nakon utroška odobrenih sredstava dostaviti Ministarstvu za privredu Bosansko-podrinjskog kantona Goražde Izvještaj o provedenim aktivnostima koja su odobrena za finansiranje iz Programa. Odabrani korisnici dužni su dostaviti Izvještaj o utrošku sredstava. Forma i sadržaj Izvještaja o utrošku sredstava će biti dostavljena svim korisnicima sredstava.

(11.3)

(Monitoring implementacije programa)

(1) Monitoring se provodi sa ciljem utvrđivanja da li se implementacija podržanih aktivnosti provodi u skladu sa potpisanim Ugovorima i u skladu sa odredbama ovog programa. U cilju osiguranja procjene rezultata odabrani korisnici su dužni nakon utroška odobrenih sredstava dostaviti Ministarstvu za privredu Bosansko-podrinjskog kantona Goražde Izvještaj o provedenim aktivnostima koja su odobrena za finansiranje iz Programa.

(2) Nadzor realizacije Programa vrši Ministarstvo za privredu Bosansko-podrinjskog kantona Goražde.

(3) Mjerenje rezultata i provedenih aktivnosti će se vršiti na osnovu periodičnog monitoringa implementacije projekta sačinjavanjem zapisnika uz koji će biti sva neophodna dokumentacija kojom se dokazuje implementacija namjenskog utroška dodjeljenih sredstava.

(4) U slučaju da rezultati monitoringa ukažu na značajan zaostatak u ispunjavanju ugovorenih obaveza, Ministarstvo za privredu predlaže Vladi Bosansko-podrinjskog kantona Goražde donošenje Odluke o povratu dodjeljenje državne pomoći ili preusmjeravanje u skladu sa odredbama programa.

TAČKA 12.

PROCJENA NEPREDVIĐENIH RASHODA I RIZIKA

(12.1)

(Nepredviđeni rashodi)

(1) Nepredviđeni rashodi za programom predviđene aktivnosti mogu se pojaviti samo kao rezultat promjena unutar interne strukture samog Programa, ali ne i do povećanja ukupnih nepredviđenih rashoda Programa.

(12.2)

(Rizici)

(1) Kako bi se smanjili rizici u procesu implementacije Programa uvedene su novine i u procesu selekcije i monitoringu aktivnosti koje su podržane u okviru ovog Programa. Novine se odnose u omogućavanju službenicima terenske posjete i prikupljanje dodatnih informacija neophodnih za proces selekcije, te monitoring u toku same implementacije aktivnosti i mjera koje su podržane ovim Programom.

(2) Aplikanti su dužni planirati odgovarajuće mjere koje će poduzeti u slučaju ostvarivanja rizika koji mogu uticati na ostvarivanje ciljeva i rezultata koji su predviđeni u aktivnostima i mjerama za koje su dobili podršku iz ovog programa.

TAČKA 13.

POTREBAN BROJ RADNIKA ZA PROVOĐENJE PROGRAMA

Za provođenje Programa nadležni su zaposleni u Ministarstvu za privredu Bosansko-podrinjskog kantona Goražde i Program ne zahtjeva angažovanje dodatnih radnika na provođenju Programa, izuzev za korištenje vanjskih usluga za potrebe izrade baze podataka registra korisnika.

Broj: _____godine

Goražde _____ 2019.godine

MINISTAR

mr.sc. Mensad Arnaut

Saglasnost na ovaj Program dala je Vlada Bosansko-podrinjskog kantona Goražde, Odlukom broj: 03-14-_____, dana _____. godine.